

# الملاح



بما غريب الدار من دار الأهل  
 حاك بول الله ننتونك ماثر ليها  
 من نوا غير التفت حدر النخل  
 من ثنايا العور من برديها  
 حاك بول الله لايفك الحلوك كل  
 ننتون ليها احبابك ونا عيها  
 حاك واوريا بد منك لرقم قد  
 واوريا بيلك لمر اللتح تداريها  
 حال واوريا الغربة ابد ما تنجد  
 مره مهتبه بديلن تلا ويها  
 ننتها نكل غيم الوكت با جريطل  
 فجر جيتك واحنه المتانينها

شعر

شعبي

عراقي



منشورات دار احياء التراث العربي بيروت  
توزيع مكتبة المنار - بغداد

---

# المكثّر

شعر شعبي عراقي

زامل سعيد فتّاح

## الاهداء

ياشواطى الفراف الحبيبة ( ويا ناصريه )  
غنيت الج وآنه استيحج عذر  
لو ما وفّت الاغنية  
نكطة الشعر ٠٠ وانتى البحر  
والنكطة ٠٠ ؟  
شيگيشها بالعمار وبجاريه

زامل سعيد فتاح  
بغداد



## المقدمة

عادل سعد

يقول بول كلوديل «تزهى الورد بهلا  
وضوح» وقد يضاهى ذلك الشعر ، فالقصيدة  
فعل الانسان المجاور للواقع .. انها الشفافية  
القائمة كانعطافات الامومة .  
وامام ذلك يتحد الشعر الشعبى بهذه  
الحقائق لان الطراوة التى تستتب للعالم من  
خلاله تندلق بلا مراسيم .  
هو قريب لفحولة الليل وقريب لساحة  
الاصباح - وفي للقلب كرحيل العطور في  
مغازات الجسد

هو اعراب الطبيعة بكل اختباراتنا وثغر  
يزدحم بسجل الفصول وانسحاقيات الانسان .  
والشاعر الشعبي اخيرا . انسان يحمل رثيته  
خارج صدره . متسور بالعطش الدائم .  
محلولا بالانكفاء - ايزاء الالغاء الذي يمارس  
ضد عواطفه . ولعل زامل سعيد فتاح في  
ديوانه « المكير » يجسد تلك الظواهر  
لانه يروى همومه بتهديج يصل حد الذاعة  
فحين يرزأ الشاعر بأحدى الاختبارات الخيامية  
المعروفة .

يستوطن في هذه اللحظة ملغوما بكل  
اعتصامات الماضي :- الحب الوافر كشجر

الصفصاف وحبور العصافير - والجداول  
المحقة ، كل ذلك شارك في خلق مناخ وجدء  
ويستحيل في حياته الى قوت مرهق يغازل  
غربته ويشفع له حين يغير الزمن فينتصر  
لوجوده

### كضيته وما كضانى الليل

وقصائد زامل ثرية بالمفردات الوسيمة  
الطالعة كدموع العذارى كما تستدرجه  
الارضى ورؤياه الشعرية هى اكتشاف ايض  
ينجز مهمات القلب • ولذا تتخذ المرأة عنده  
بعدا حضاريا ويبقى فراقها انقطاع اسود عن  
الفرح •• وشهادة فى صحراء •



محملة الروح ماشافت ربيع

ولا ندى جسها

وورود الهوى يسمر لهيب جفاك يسها

واهيسها حدر ظلعي - دبي تدبي

وبخلاف غيره من الشعراء الشعبيين يؤرخ

الشاعر زامل سعيد فتاح لرومانسية الانسان

العراقي ، مستعيد الاعراق الدارجة للشجون

فالحزن في قصائده ضاري - مشحوت بالتسائل

وملاحقة اليقين \*

ولذا يمكن القول بالطاقة المتطورة للغة

المحلية عنده \* حيث يدل الى حد شاسع في

العلاقات الشعرية واصبحت العبارة لديه موجزة

تطارح القارىء بلا وصايا

ان شعر « زامل » نزوح مسالم فى بقاع  
الذاكرة يفشى اسرار الغصون والانتظار •

• ويتقد بالملوحة الطازجة •

ولهذا •• لهذا ينبغى ان نغنيه



## المكير

مشيت وياه للمكير أودعنه  
مشيت وكل كتر مني انهدم بانحسرة والونه  
وعلى الزملة ...

بضوة الكمرة  
يناشدني وأنت الفاشي  
أكله تروح ... وكليبي

بعد يمين أهيدنه  
بچه ودموعى لاكنه  
بعد وعضاي زتنه  
ويوميلي بطرف چفيته

من بعيد اشوفنه  
وصاح الريل  
وآنه وياه  
يغت ييه ٠٠ واعتنه  
يجرنى بحيله ويصوفر  
وآنه معرد واجرنه  
ذمه بر گبتك القلبي  
ولك يا ريل لاتبعه  
ولك ولفى واريدنه  
وجزاني يجر فراگينه  
ومامش حيل اردنه  
واظل ارفس رفيس الطير

ادين ازغار لزمه  
واهومش مادريت امنين  
جدمي أوين انگلنه  
واحط گلبى على السجة بلجى الزين اسمعنه  
وعلى الدلال موش السجة  
مشى الريل اهيسته  
واظل مناظر السجة وريد معاط نلبصرة  
ها .. تل اللحم وصلو ...  
جزو ... ؟  
نام .. ؟ وهدل شعره  
ولك ياريل لاتگعر اخاف تفزذ السمرة  
وارد للناصرية اردود مخنوك بألف عبرة

ويراوينى النخل مو كافي حينه وطية العشرة  
ويكلى اصبر  
شهر ويعود

والمقطوم شيصيرة ٩٠

---

المكير ٠٠ زقورة أور وهى من آثار  
السومرين تبعد عن مدينة الناصرية مسافة  
١٢ كم ٠٠ وعلى الناصرية ان ينتظر  
القطار الصاعد والنازل فيها

لحن مقاطع منها الفنان كمال السيد وغناها  
المطرب ياس خضر

يعني عليمن ارييه

ولا جيه

بعد منهم

ولا گعدات گمرية

ولا ييدر هوانه يعود يوم ونگعد بفيه

ولا شوفه .. ولا ضحكة

ولا ريه تحض النباشي

يعني الشاطي والمبار هال وهدم چاليه

يمگروده غفه ويه الغير واتي محوره عليه

ولا يوم المهر ذكروچ بملبه وچفيه

يعني اشلون .. ؟

اظل وياچ بالشوغات ليله

کتلتینی جرعت المر

موگتلیج نزیزه الکاع بردی الزرع موعنبر

موگتلیج غیوم الکیظ جذابه ولا نمطر

بعد یهویتی علیمن نعد لیالی ونسهر

جزانه الریل والماطور بشطوط الهجر حدر

ولا ردیتی یحیه

ولا عفتی سالیانی کاتییه وجفافیه

دچفی ادلال سهراتیج نساچ ومأله جیه

وطشی الهیل وملبسچ خلیه بصوانیه

لحنها وغناها المطرب حسین نعمه



ياخوخ يا زردالى  
بذات مالك تالى  
داريتك ومن حومرت صار الجنى لعدالى  
ياخوخ ...  
لاجلك ساهرت  
ودموعى لهروثك سگت  
برعم جنت ..  
ورتانى واحسب كل وكت  
وازرعتك ايس النخل گرصة برد  
لاحر ضگت  
حتى الفراشه لو تلامس وردتك بيها صحت  
يا خوخ لاجلك عاشرت

كل الطيور وصاد گت  
خایف جنح عصفور یهدل غصنك ویمك  
نمت

وانت اكبرت . . . وادیرمت واتحمرت  
وترجعك نسمات غصه وعالجرف عنبر فحت  
یاخوخ . . . موش آنه اتعبت  
وتلوعت . . . النار شحیت  
لمن دفك. زودك غفل

بسال غیری اترست

یا حیف یا زردالی

بذات مالک تالی

داریتك ومن حومرت صار الجنی لعذالی

ياخوخ  
ضحكات الفرح  
ذبحتهن ايد الكطعتك  
ولا چابست عيني الدرب بعدك ولا شافت هلك  
يا خوخ من دمی اشربت  
ودمای هذی بوجنتك  
واتفلحت گيظ وشته  
انظر واباری لخضرتك  
أكری النهر . . واسگی المرز  
وامگیل انت ابدهلك  
والشمس هلهواة عرس  
لو أشرگت وی عگصتك

والشاطى يسكر لو يشم نسمة عطر من ريحتك  
ياخوخ ..

شئل الناصرية وحرى گاع الزرعتك لمن يلد  
طعمك تحيك ايدىن غيرى ولمتك

ياوسفة يا زردالى

بذات مالك تالى

داريتك ومن حومرت صار الجنى العذالى

## نسیینه یاہوی

نسینه یاہوی انسینه  
وتبعنه اگلوبنه وجینه  
وعلى شاطىء المحبة اسنين  
ودروب الهوى امشینه  
نسینه انجب ..... ؟  
اثارى الحب ؟  
سلع ومزايدة عليه  
هوينه بفطرة البردى  
وردنه یاہوی تسدى  
وتشابك دوالينه

مثل مايشبك المشحوف شاطينه  
مثل ورد الغريزي يطش چوالينه  
وردنه محتبك يحليو  
غناوه لشواطينه  
نجدود بغير منيه  
وتمطر وفه و حنيه  
اثارينه . . . اثارينه  
ذهب تيزاب والصايغ نكت يينه  
لحن مقاطع منها الفنان ياسين الراوى وغناها  
المطرب فؤاد سالم

## الملك يا شارع النهر

المال مال الله وحرام نضوگه  
وليش تين العجم ضال بسوگه  
گلبی فاضحی برفیفه وشوگه  
وروحی اتفز لو یمرن جوگه  
خلال دیرته یس بعشوگه  
وآنه امطک وشعجب منضوگه  
المال مال الله والمشمش یس  
محمص خدوده بمشاریک الشمس  
صار قمر الدین وتهوف النفس  
عمی یا اللایم موگضبة عدس

غاليه وتسوه وچيره ابوگه  
المال مال الله وحرام نضوگه

---

المال مال الله وعيوني تشوف  
وروحى فراشه اعله كل ورده تطوف  
تهوي سم الرازقي خضره ونهوف  
يا حساوى التين مو على الطوف  
ونستحي من الليل مانگدر تحوف  
يزى مو گلبى انفطر صندوگه  
المال مال الله ۰۰ حرام نضوگه ؟



## صيهود شط البدعة

يالبدعه ؟؟؟

للحمام زودچ يوصل ويتعده  
وبنوبتي طلاگتچ تحرن بصدر السده  
ياجيحه كل شط انترس وافرع خضار وسده  
بس آنه صيهودچ علي كل وكت ماخذ حده  
ولا مره

كيفچ صحه . . وينترس شط الشطره  
ويسيس المشحوف  
ويوصل العتب للسمره  
ناعيتچ بحرگه فراک مدوهنه ومستعره

وحلفتیچ بوکت الجهل  
بالصدگه ۰۰ وبکل عشره  
ولا دسکره منیچ تجی وچانونی یوم نبرده  
ولا ناظم الغراف بالبدعه یفک السیده

---

یالبدعه  
چنت ویه الولف عندیچ نگضی الجمعه  
والمطبخ بذاری البساتین ازهیہ نسعه  
وشباچ عالغراف تتلاھت سمیچ ومشرعه  
واحنه النبک والتکی بیچفافینه چنه نجمه  
واحیاس اذره شام کل طیر النشوفه نشعه  
واسبوع بعد اسبوع یزهی شتالنه المی نزرعه

يا بدعه ؟؟؟؟ يم الطير ؟؟؟

وچ يا بدعه ؟؟؟

ترضين يسكت هاو نی ونحزن ادلال الربعه  
چايش اجير خاطری و كسر الكلب شيشده

ولا دسكره منچ تجی

وچانوني يوم تبرده

ولا ناظم الغراف بالبدعه يفك السده

# خزامة

ياهاونه الضاوي تهلهل  
مامش لك شرايه وتسمع  
ترنع ودلالك جفوهن  
وبدم فناجينك تدمع  
والربعه كواسرها انشلت  
بالمجران وماهى مزهره  
وخزانات الگمگم تبجي  
والبيدر يجذب بالحسره  
والليل مچفن فانوسك  
بشليه ولا شفت الگمره

والمگله یحمص وناتک  
ویناشخ مخنوکت بعبره  
دک یاهاوبه بدگاتک  
ناغی الی مشرغد بانشطره  
دگ بلچی الیل یحن مره  
یوصل وناتک للسمره  
عیب تبطل من عاداتک  
عیب علیک ننام وتهجع  
یاهاونه الضاوی تهلهل  
مامش لک شرایه وتسמע  
باهاونه عیون الشامت  
بزها بدگاتک واعمیها

وهلال مضيفك ما يشرك  
يمكن لو تسكت تاليها  
عيب عليك اتحزن ادلالك  
وفناجين الحب تحفيها  
حياوى وشطراوى تغنى  
فناجينك ترگص خليها  
يا هاونه الدنيه اچيره  
ايض واسر واشگر بيها  
هذا الروص اطياده تغنى  
وانت بجوياتك تتلعب  
ياهاونه الضاوى تهلهل  
مامش لك شرايه وتسمع

## یا قلعای

مای وشکر یرمان ریان یا قلعای

لذه وطعم یا ابن الجنوب بحمرتك متغای  
یل شابك الغراف شگه شوكت تزهی وضای  
یل منتچی اعله اطراف برحی وحاضنك  
خستای

یل خابط الوجنات

ایض واسر وحنطای

یل صافط از لوفك حدر چرغد حبر شطراوی  
یل چرغلك چلابه مایحمل ثگل حیاوی  
یابو طرارید العشك مجدافهن بدعاوی  
نامت نواطیر الهوی ومنی انبگت سکتاوی

ويلاه يابن قلعة سكر  
يل شربتک للغيد صار وحصتي  
صار الغش  
يل علمتي اعلاه الطلايب والچگاير وانشعر  
اشلون اسکت وچانونی يسرى وداوى  
ماى وشکر يرمان ريان ياقلعاوى



## ام چرغند

بفی گمره وتوالی اللیل وعذیبی انهوی ینسہ  
سوالیفک علی یطرن واحن الرشفه المبسہ  
اناغی اللیل ونجومه واکلف الریح نو سلم  
لو دغدغت ساهی العین ذچره بو حشتی وبالهم  
یگلی اللیل چن وهید

لو ما گصرت تندم

آگله النار بضلوعی

وحشه وخمدن شموعی

وهو ینام ۰۰۰ ومشرغد

یاریت الدلیل ویاہ نام بطارف الچرغد

ياريت الكلب شذره على الجلاب من ينشد  
ترف والليل ٠٠٠ مل شکوای  
وشلیله طواه وراح  
وبگیت انتظار فجر جدید واکرک  
باسم اوضاح  
والبلبل الریناه خفک بجناحه  
غنی وصاح  
وهذی شجرة الصفصاف وعصافیر فرحانه  
وهذی ورودنه الغضات  
وسواجیها جذلانه  
وبذاری الیادر غاد مطبک یدگ بالخانه  
والناعور ٠٠٠ بعده یدور

ویر المای بمچانه

ویض ابطوط لام عمار اجتنی علیک تتشد

واگله نام ۰۰۰ ومشرغد

یاریت الدلیل ویاہ نام بطارف الجرغد

یاریت الکلب شدره علی النچلاب من ینشد



والم همومی اشکایین بجاری المای آسیها

بلچن من تجیب المای بالمصخنه تهیسیها

ولک والشمس تتعله

رمح ۰۰ رمحین ۰۰ واتربه

سبه تهیم روحی علیک وعت بالروح

چم سبه واعت بالروح واتلوع

كضيته وما كضاني الليل سهرته وجفني مبضع  
سخت الصبر بضلوعي جنيته وشفته ماينفع  
عطبت بدليلي النار كضيت وگلبی مدرع  
كضيت رويحتي وسليت وعگلي النوب يسه  
تطمع وامر بالدار ۰۰۰

واتنوع

ولنه بكلمته مشرغد

ياريت الدليل وياه نام بطارف الچرغد  
ياريت الكلب شذره على الجلاب من ينشد

# شگول عليك

شگول عليك ۰۰ ؟

اگول انساك ۰۰ ؟ روحى وياك

شگول عليك ۰۰ ؟

أظل زعلان ۰۰ ؟ مر فرگاك

مثل فزه طفل روحى تفز لو سمعت بطرواك

مثل وردة وشجيرة ماى كتة مطر تتخاك

واگلك هاك ۰۰۰

شوف جفاك

شوف شسوه ييه جفاك

واسمع صدى ينادينى بأسف خان العزيز وياك

ترف يا غضبه الريحان شفاى العطر ييها  
تعال عيوني بلياك ماعاود وسن ليها  
تعال شفاى محتامات بلثم شفاك ناغيها  
تعال ودوس فوك الروح منه وعلي سويها  
تعال وعندى سواليف اسولفها الك واحيها  
تعال ادماي الك حمرة  
ظلام وطلعتك كمره  
تعال وخيط الدلال بشعر ظفيرتك ضبره  
واظل مثل اللي يحفر بير بابره يدور الكطره  
واتنطرك .. واتنخاك  
واسمع صدى يناديني بأسف خان العزيز وياك

# هذا أنه

هذا انه وهذاك انت  
وتنزل بضنوني ذاك انت  
هذا انه ويمر طيفك واشوف امانى لو شفته  
عرفتك جوري لوفوح  
عرفتك طير الماء يروح  
ومن حبك غناى انه تعلته .. وهذاك انت  
عرفتك وردة القداح برد الصبح جفلها  
ومن حبك هويت الكاع والماي اليغارلها  
شفت بعيونك بلادي  
سهل و جبال و الوادي

شفت دجله وفي مثلك  
يفيض بخير الي ولاجلك  
شفت موجاته عالصوين مثل معاضدك فضه  
تتهادى ويه جاري الماي هلهوله عرس غضه  
ومن حبك غناى آنه تعلمته .. وهذاك انت  
هواك انت ..  
بربوع بلادنه الخضره  
الفرات الطافح بزوده  
يكحل عيونى بزهره  
مثل شبكات المحيين يتبكك دجله بالبصره  
هواك انت شتل عنبر .. يجود بغير منيه



هواك انت حلم اخضر .. يطر وفه وحنيه  
مثل گلبى ومثل گلبك تلاكن صافيه انيه  
ومن حبك غناى آنه تعلمته .. وهذاك انت  
لحنها وغناها الفنان طالب القره غولى



## شنهو العذر

شنهو العذر ؟؟؟ يفلاز

لو شاع الخبر

والثامت ویه الغير لو منافك مر

شررد اعتذر

شرد احیی الناشیء

وسوالیف غدرك زرعت بگلبي الجمر

یسمر ۰۰۰ یریعان العمر

شنهو العمر ؟؟؟

لوفارگتنی وشلی بدنیای ۰۰ وبزید وعمر

یسمر تعلمت العشک منك من ایام الزغر

للمدرسة تروح الصبح ونرد سود بوكت الظهر  
نغرك بضحكات الفرح لاهين ماخذنه البطر  
ندفه بمشاريكت الشته وبالصيف نغفه وياه الكمر  
طيرين ٠٠ چنه نزييف وياه الطير

ما ندرى شكر

من يمنه مر حر وبرد وشكد عمر فات وعبر  
والصدر

مرجوحه يلاعب يك من كتر لكتر

واجمع اليوميات

واشريك شرايط من كلبدون العصر

وعيوننه ٠٠ احبايات ٠٠ ترسها الهوى

وهيئانه ماضاغت سهر  
والوكت مر  
وحصدت الوادم ٠٠ ولت كل ثمر  
وآنه احصدت ونات ٠٠ يسر منك  
ويدر قهر



## شم الورد

في معرض بغداد الدولي ٠٠ كن ثلاث ٠٠ مع  
ثلاث باقات من الجوري في ايديهن ٠٠٠  
فالتبس علي تحديد الحدود

شم الورد هالوكت صاير غوده وموده  
خدين ٠٠ ضاع العرف ٠٠ بالجوري وخدوده  
برين راوي العضد ومبخگنه زوده  
والزلف ٠٠ آخ الزلف متغاوي بزوده  
يتنثر من الهوى وك ياهوى ابهيده  
جفلن بگايا الكلب والكلب مو ييده  
هى اخشبه من تمر روحى وتجى غيده

لوعینی عن کل ترف بچفافی مشدوده  
 یتثنی با ار بعطش مالا حگه انهوده  
 مشیت خشف لو مشه یا مشیته وعوده  
 سوده اعله طاری البخت یا طالعی سوده  
 عود اجفی عن الهوی ولا رده الی وعوده  
 أحنه ابخت من حچه وماارید کل فوده  
 ملاح ویه انهوی وما واصل حدوده  
 وگلبی اعله طاری الحلو متشابچه بنوده  
 وصار الحلو بکل جنس متناء ومعبوده  
 یتمد یشم ورد ویضایر خدوده  
 وشم الورد هالوکت صایر غوده وموده

## ديس العنز

روحي ٩٠٠

طريه وتشتهى

وصوباط عنبك على

ردناك ياديس العنز

واهلك تسوم بغالى

زيتك لبغداد ٠٠ ايد بأيد

وارجع خالى ؟

ريت انكسر ييه القطار

ولا أرد اشوالى

رديت وشراع العمر

طاح ورد منى الجالى  
ردیت ما اشوف الدرب  
یل چنت یمی تلالی  
ردیت وادری بدمعتك  
طول الدرب تبرالى  
كل ضني عنكودك يكع  
بايدي و تلمه اسلالي  
يحللو اللك مد العمر  
حبی ۰۰ وحنانی ۰۰ وشوگى  
واترباك ۰۰ صابر وانتظر  
أغفه على حباياتك الحلوات  
متوسد جمر



واضحہ ۰۰ علی عہود الہوی العذریہ

کل بزغۃ فجر

یحلیو ۰۰ اهلك منی میارہ

یریدون وقصر

گلتلہم الفن والشرف

آنہ حلالی ومالی

وروحی

طریہ

وتشتہی

وصوباط عنبك عالی

## ذکریات

تذکرني چفافیک واحن لایام عشرتنه  
واگوم ۰۰۰۰ اتعثر بجدمی  
وللم کل دسا کرنه  
أهنا چنه ۰۰۰۰ وگعدنه اهنا  
تسامرنه وتعاتبنه  
اهنا یم شاطی الکصبات  
تذکر من تعاهدنه  
وبنینه اعشوشنه ویه الطیر  
وعلی الیر  
چفافی اخلاص طرزنه

یسر ۰۰ والیادر های

فیهن ییه غطنه

وتهلهل بنات اسهیل اجتنه وعجنه ألحنه

وآنه الیوم ۰۰ اجیت وحید

وتذکرت موگفنه

وتلگنتی الطیور تصیح خلك وین ناشده

گلتهن ۰۰ سگم حالی ورفیف چلای سیله

گالتلی ۰۰ یزامل های واحه وفه واحتنه

وکل خل الوفی لخله یهننه ویزفنه

گلتهن ۰۰۰ وفی لاجن

وفای بتبن باعنه

## ترنیمہ

یہون علیچ یاسرہ  
انعواذل خاطر ی تکسرہ  
یعرونی من اوز علیچ واذکر طیة العشرہ  
واشوف الدنیہ بردی وهور  
لامعیر ۰۰۰ ولا عبرہ  
تہت ۰۰ والروج دولبنی  
یمنہ یحینی ویسرہ  
یاسرہ ۰۰ والف شہگہ ۰۰ والف شوغہ  
والف حسرہ  
اشگبنہا بزبون اللیل

اُگله بدار کم شرها  
 وتجوم علیچ وناتی شبه فراشه عانزهره  
 وانتي مشرعه بنومچ  
 هنيه بلذد احلامچ  
 وبفی الگمر نمتی وسعاده مجعبه اکتارچ  
 وآنه بناری اتچوه واشمن ریحه انسامچ  
 واگولن بلچی تالی اللیل طیفی یخفک جدامچ  
 وتشوفین الصواب الیه وجهم چویه  
 انچوه بنارچ  
 ویمر اللیل والعصفور بخیوط الصبح بشر  
 والصفصاف غتله الطیور وراح یتبخر  
 والناعور ناغه الیر غنه وصبح الیدر

ويسايلنى طرى النسبات يگلى شمالك مكدز  
أگله هناك ذبنى بعيد ماطور الهوى وحدر  
وآنه وحيد ۰۰ مالى عضيد  
دربى بعيد واتعثر

# الناصرية

مدينة الحب والوفاء والجمال  
ياناصرية تظمين طيفي وخيالي ودينني المنسية  
يمشغده بعضن النخل ومطوَّح  
ماي الفرات وغافيه بشاطيه  
مديتي زلفج للجبايش والزلوف هناك  
سابت بالحسن مرجيه  
تتعر بهور وگصب • والبردى والعكيد  
صافى النية  
ولجنوبه الناگل حسن شذره انتي صرتي  
وصارلج ترجيه

یا الناصریہ مضایف الہا بطلت عاداتہ

مبنیہ

ترفع هواوین وتد گ گھوہ جواد

مہیلہ ونجدیہ

یا صنگر یناطح وکت ۰۰ ما ینسم

عالی وثخین بفیہ

یابنت سومر من گبل ۰ من آور

من زقورته وماضیه

یم العذاری السابحات بفلك وردی

وحالمہ بگمریہ

نوجفلج برد الصبح ہلہلتی بانغام الہوی

العذریہ



ولو كلبدون المغرب يشتر حمرة  
نعيش الف ليلة وئيله هارونية  
ياهو رنه الكلك حجي بشرايعك  
ولدن سوايف الهوى العذرية  
لاتنقهر لوعين شامت عابتك  
ياهو رنه وكل جدح ينضح ميه  
ياديرة الحلوين بكحيله فريج  
منته وبدويه

# اللايم

يلوموني ويگلولى تكتلك ونتك بطل  
آنه اسكت ؟

لشك الزيج ٠٠ واتهدك  
واردس فوك نار الشوك وبلسعاتها اتشجل  
وبمنجل ابضع العين اخافن من سهرها نمل  
آنه أنساد ٠٠ اظل للموت

عینی بطیفه تتکحل  
خل ینسانی ٠٠٠ خل یروح  
خل روض العشک یحل  
خل ینسانی خل یروح خل روض العشک یحل

خل ضحكات روجي تموت خل ورد العمر يذبل  
عيب اغناى ابطلنه  
والمطبك اكسرنه

عيب الشاطى النعسان ما اشتله شعر واغنه  
عيب الصنجع العالى البنيتة لعشكى اهدمنه  
عيب اليدر الغافي ما ناغيه واونسنه  
عيب مضيفنه التزهى ادلاله ابونتى احزننه  
عيب اليرغ الماطخ لعد اعداى انيهنه  
نذرت الروح لوداره عذابه ولا أمل منه  
اتلذذ بجوياته جحيل اللسع اهيسنه  
خل ضلوعى من بعيد يبرن له ويفينله  
خل عيونى سكتاوى بفرح وبخير يدعنه

خلتی آنه و دوایی بی بلفح تیموز گیلنه  
ولا ملن ۰۰ ولا ابطال  
ولا ویاہ عشرتی تفل  
واظل للموت ما انساء وعینی بطیفه تتکحل  
یا اللایم شلی بدنای لوشح بیها المدلل  
موحگی من اشک الزیج  
موحگی من اتهمدل

## لیش

ماغثی کل مر الجرعتہ و کل عذاب الشفۃ  
عثنی عیر الرارقی بهاگون یسمر بعته  
والنحشی شدو الطیر لمن یطرب لحلانه  
ینشد تراویل الهوی ویفرد بالحانه  
یفلان چم نوبه بزغارید العشک ناغانه  
مو عیب یحل روضنه چیفک انتہ العفته  
زعلت بستان الورد واغتاظ منک زهره  
والیدر المغناج خلیته بوننین و حسره  
ماضتی حمول العشک تفرگ بشط الشطره  
ولاضتی وشاح الوفه بهجران یسر دسته

يفلان ۰۰ والبير ۰۰ ونواعير الهوى ولاصفن  
طحن سبايح الكلب بمرور حبك صبن  
شتلن وفه واخلاص الك قداح غض وطرر  
وانته بمرگ عاگول قداح العمر بدلته

## ياليل

حيل اسحن بروحي سحن  
ما گولن آحاء واون

ياليل صد گ ما اطلخك راس واشكيلك حزن  
فحطن نجومك والگمر بعيونك السوداء اندفن  
وانه اعلاه نضام الولهان لطيف محبوبي اد گ  
ودلالي فاحن هيل والهاون یرن واصبع بطگ  
لاهل العشگ ۰۰۰ ياليل  
وك لا هل العشگ

صبرنه الشموع لونة الولهان نضوني الولهان  
نضوي ونحترک

وانت تجر باذيك وتجيّب وكل سه تشر  
غاد اشتر ٠٠ ياليل

وك لم هدمك وغاد اشتر  
خلينه بسوالقنه نشر عالخلك ضيم السمر  
ما ينكدر ٠٠٠ ما ينعبر

ياليل وسعه اطراف جنبه ولا لجاريه نظر  
چيم حزن ٠٠ الخيلم شقير  
مطبگنه عامر ما انکسر

ايدك الك ٠٠ تعجز ٠٠ وحك عيناك  
ونمل السهر

واحنه نفل نروح روح  
ونشع سواليف وشعر



اشمعلاك لو كيفك صحه وسيرت

بنجوم و گمر

وششكلك ياليل لو چلچلت بغيوم وقهر

هم صد گت جفن المحب يغفه ويجن

هم صد گت طير الكظه

يهودر ويطبگله جفن

حيل اسحن بروحي سعيه

ما اگولن احاء واون

# قداح

قداح والقداح يذبل من تريد تحيسه  
وخذ الترف يكثر حماره ويرتوي بالبوته  
يابوسة العريس ليلة زفته بعروسه  
ياغبر بدهله انشل مر كوش ذب سبوسه  
يالوحة الصياد الوطش يولاج وذيج الحيسه  
ياصيف معبارك صعب ولثامت اعله الدوسه  
واتحيرت بالعبره

ومعبر الطبكه كطع خيط البلم والبكره  
وميس بلمنه ومنحدر ناجر شواطي الشطرة  
شايل شكايين العشك مليانه ضيم وحسره

وجدتم بلمنه بشاطي الغراف

شابك جرفه

وبطوط الحريشات عرفنه واجنه بزفه

وانته ولا گلبك خفك

لا يابو عين الصلفه

ياريت ماشفتك ولا يا گتني ليك الصدفه

الناشيء

## جذاب

چذاب دولبني الو کت بمعبتک  
چذاب روهي تمرمرت من عشرتک  
چذاب امش عن سچتي  
گطان بگلي برفسته وشگ شبعچتک  
اوفيلک . . . وتعدرنی غفله  
ولا دريت بنيتک  
واحسبتک ترد الوفه وتجازي  
ايد الربتک  
وتريد ارد ۰۰۰ لا ما ارد  
لو صرت بس انتہ الدود ولا ارد الک

وانسه المضه  
ولا أنسه ذاك توسلي وشهكات روي  
الناكضة

خليتي عظم وجلد . . . وعضاي  
كلها مرضضة

مد وجزر كل عشرتك عشره بزعل  
يوم برضه

واسلون ارد

مگرو

موش أنه يطخ لضحتك مثل العبد  
أنه ادري بجفائك الكلب

ورده . . ونموت . . وتتمرد

وادرى الشته وليله الطويل بوحشته يمر:

## الچبد

لاچنى عيب ارجع بعد

چم زله واغفرها بخاني ولا كسرت بخاطرک

چم سايه منك بنيت ماگتلك مگصر ولك

واسنين حمسه بعشرتک مثل الطفل ومدلك

ما خصلت غير السهر

غير الحناشغ والقهر

چذاب يل داغاتک ولا تنطفي مد العمر

يل بدلت قداح حبی الغالی بشوجة صبر

خلينه بس نحرکک تنن ونسمع الوادم شعر

## ماظل صبر

أرد اسوم الجاه ۰۰ عالديره

واريد احبي واسولف

وارد اسمع زيد ۰۰۰ وعيد

وعرب كل الطوايف

ارد اخلي الهاون يلعلع يحشم بالمضايف

ارد اشوفن ليش من دون الخلك

بس شتلى خالف

ارد اشوفن ۰۰۰۰ ليش ؟

برجي وطالعي من العشك رالف

أرد احلفك وانه ۰ ۰ من سبه وكت ويای

حالف  
وارد اگلك ۰۰ عگلى طارف  
عندي وعندك الطارف  
ولك ۰۰ يل شليت حالى  
مدوهن وبس ريحي ناشف  
ولك ما ظل صبر عندى  
وطفحن بروحي السوالف  
وآنه اجيتك مدرى اعاب مدرى اسولف  
ارد اجيك الظهر الاحمر  
واردس يباب الثنيه  
الف حيله ولا تردنى  
عنك ولا تمض يه



خلنى اموت اگبال عينك موته مرتاحه وهنيه  
خلنى وياك بشريجة گصب تتلفلف سويه  
ولك يل برين عضك ماى  
وشبعانه وطريه  
ولك دهله الماى عدنه  
وحري گاع الناصريه  
وانه آبارى ۰۰ وكبر عودك  
ونوخذ من ين اديه  
طفحن بگلبى انسوالف خل اسولف

## الحنين

يادار اهلنه ولا حلت غيرچ دار  
ولا مر على خاطر نديم وسمار  
دوار ۰۰ يادار الوكت ۰۰ مر ودار  
ولن العمر روجه ويه شاطي الحمار  
لا گيش بجزره وشلهه ۰ سباحه  
والشط حدار

يا في لعبه ۰۰۰۰ ويا شناسيل الطرف  
واحنه ازغار  
يا فرحة دخول السنه ودار الحبايب تنزار  
رد يه ۰۰۰ يا ذاك العمر رد مشوار

يادار اهلنه ولا حلت عيرچ دار  
 يادار بس بينه الوكت مال وعال  
 وصرنه على لسان الخلك چلمه شماته ونگال  
 اتلمس ذنوبى ذهب مامش دغش فد مثقال  
 واتنوع عيوبى نبع صاقي وعتابه وموال  
 يادار لولخني الوكت رمية عشم بمحجال  
 ولنى بطرف غيمه ولا مصعاد ييها ومنزال  
 لاشرجى ويذبنى المطر حالوبه من حال لحال  
 ولا شملت ٠٠ وانفسرت ٠٠ ؟ حتى المطر  
 عام وحال

يادار حجي البلگلب ما ينحجي وحيه اكبار  
 يادار اهلنه ولا حلت غيرچ دار

## نجوى

محلہ الروح .. ماشافت .. ربيع

ولا ندى جسها

وورود الهوى يسر لهيب جفاك يسها

واهيسها .. حدر ضلعى .. دى تدبى

سعر النار اهيسها

واحشمنك تطفئها

واحزمنك .. بالف شهكه والف حسره

واشوف الماي .. عندك فاض

وتشح على بالقطره

على شاطيچ ياشطره تركت احلامي الخضره

نرف ومن الهوى مشاحيف  
اجتك زافها الجاري  
دفعها الشوك بمجازيف الكمر حاديها ويباري  
ولك وشموعي سباحات ومورثات من تاري  
ولك وصواني الحنه  
طيور الكطه يعجنه  
والملبس على الصوين معف النخل طشنه  
وترد مشاتي منك بطرگك الاء والونه  
ترف چم هرش بالدلال هذا الخبر عته  
واظل مخنوك بالعبره  
واشوف المای عندك فاض وتشح علي  
بالكطره  
على شاطيج ياشطره تركت احلامی الخضره

المطبوع الآخر للشاعر

ليلك ليل

سيصدر قريباً



# قصيدة صورة الغلاف

مهداة للاخ حيدر الجاسم فى ايطاليا

ياغريب الدار من دار الاهل

هاك بوسة شوكت معتز ييها

من نواعير الغفت حدر النخل

من ثنايا الهور من برديها

هاك بوسة لعينك الحلوه كحل

شوف ييها احبابك وناغيها



هاك وادري الغربه ابد ماتنحمل  
مره صعبه بحيلك تلاويها

هاك وادري بدمعتك ترفه وتهل  
وادري بك بمستحه تلاويها

اشما نكل غيم الوكت باچر يطل  
فجر جيتك واحنه انتانيها

# رد على ( لآخر )

مهداة للآخر الشاعر طارق ياسين

ستين اوديلك خبر ماعينك انه التفت  
والنوبه حفيه مهر تطلبها منى وشربت  
غصن بونينك حتى لكل البيوت اتعدت  
وشموعى تترا گص فرح باترف صوانى اعتلگت  
ظل غنى ماينفع غناك بحسرتك ظل انهت  
يل ماعرفت احبابك ولا يوم روحك حنت  
آنه ادرى غيره من المهر ايدك اخطوط انكبت  
ما اريد خطك لا خبر كل عشره ابد ماظلت

گبل المهر ودينه الك خط بهظيحه ترده  
زيك طلع يابدوفه حبك بصيحه اتبده

عشكك حزنناہ وانعرف جزره وتين مده  
چم گيظمر وشچم شتم (شجابه العشك وشوده)  
اشتل مروز محبتك زودك عليه تسده  
هود جنه عين وعنده من يك يمر وعده  
ويرج محبس وعكصتي بسحب الزفه اتخت  
مستين اوديلك خبر ماعينك انه التفت  
والنوبه چفيه مهر تطلبها مني وشربت

متعجب تودی النجم وی الگمر خطابه  
اليهوى باطراف الجفن طرز چفافی احبابه  
بکلادتک نجمة اسهیل بگل وکت چذابه  
چنک ولا معاشر بجم مگرود ناسی احسابه  
وآنه بحماده اصنوبری شجابه الحماد لغابه  
والشمع یلتم بالشمس مرمر صرت واتفسر  
مستین اودیلک خبر ما عینک انه التفت  
والنوبه چفیه مهر نطلبها منی وشریت

## ذاك أنه

على هونك يواشى تسورب عيونك  
نجر طير المجره وخابت اظنونك  
على هونك

چيره الكاع ما ضكت  
ولا ذيج الشطوط الطافحة نشفت  
ولا ذيج المطايح تعبت وسكتت  
على هونك

طيره الروح ماشبعت  
ولا چلت عزوم وطاقحه ظلت

ولا رخصت ولا ذلت ولا طغيت  
 ولا عادت ولا بالغير تشمت  
 سرور و تحتي ۰۰ و تعالج و صبرت  
 چيره ولا (بقيل وقال) و نمنمت  
 صديجه و صداد گه و بالغير ما نکنت  
 وفيه بکبر هاي الدنيا لو وقت  
 شکر طفرت  
 نهر ۰۰ و نهير ما جفلت  
 شکر شافت  
 عسر ما رادت و طلبت  
 شکر سعت حبي اليحچون  
 ما التفتت

تغني وشكر لاهل الهوى غنت  
تعب الناس كل الناس  
ماجذبت  
على هونك

شباب العين ٠٠٠ ماجزعت  
وشطوط الهوى بچلماتي أنشلت  
تعايني ٠٠٠٠ ؟

تظل من التعب تنهت  
وهذاك انه شكر ماصكت أسونك  
على هونك ٠٠٠٠ ؟

يواشي تسورب عيونك  
نجر طير المجره وخابت أظنونك

# ليلك ليل

ليلك ليل  
مأمر على بنادم ولك ليلك ليل  
ليلك شماته  
وغربه  
ومرادس خيل

ليلك ربابه  
بهيمه  
نكضتها الويل



لا تسمع

لا تنشره

لا الها قيمه وتبجيل

ردتك ذخري

حيد

وترد عني الميل

ولنك على خنياب جرحي

مرادسك حيل وحيل

تغفه

وتظل عيني اعلى طاريك تهيل

كونك تريد العيله

ما ظلي كلب يحمل عيل

ليلك

يا الحنين ولـ

ليلك ليل

مامر على بنادم ولك

ليلك ليل



صدك

صدك وترد

صدك يزغ فجر حيتك

واسولف يمك واگعد

صدك قداح حبه المات

يروه اردود ويورد

علي نذور لورديت

يفلان وتلاگينه

سوي اضلوعي الك شمعات

معتلگه بصوانينه

صوانينه الغفت عالنوج  
من يوم التجافينه  
ولك چم باب د گينه  
ولك چم خير ابن اجواد

لاهلك ولك ودينه

مدگگ يسمر

خفگگ گلبك

ندهلك ذاچر احبابه

مدگگ طير السعد رفرف

مدگگ والوكت فك بابيه

ولا شوغه ٠٠٠ ولا ونه  
بعد وتفضن الطلابه  
ولالچمات بعد نشوف  
جرح ونفضن خنياه  
الخلخال

باطراف الحي بالكمرية  
خلخاله يلج وي كل نجمة  
واناعور تباهى بيه  
يعني وجرف الشاطي يلثمه  
والصفصاف منعر زلفه  
مال ويه السمات الترفه

مر واتعهده

وتاهت روحي

وخلخاله ايلج وي كل نجمه

مر واتعهده

وطارف من عكلي وياه گوطر

دگ يه الشوك

ولا غمض جفني وهودز

يتراوالي

ويجفل گلبي

وحضناتي ترد

مهظومه

وچذآبي خياله

ولا ذاري وسد

مر واتعهده

وتاھت روحي

وخلخاله ايلج وي کل نجمه

مر واتعهده

وتاھت روحي

وتدوھن بالي

ما يتراوه

ولا مشيوف

شسوه بحالي

خلخاله بگلي دگاته  
وگطع انفاسي تعد خطواته  
مر واتعده  
وتاھت روحي  
وخلخاله ايلج وي کل نجمه





## شكوى

تكبر فرحتى بعيني  
واشوف الدنيه بعيونك  
ويسر بخاطري وضني  
امل وردي من اشوفتك  
يغمرة عالىا من نعل  
يطك ويورد الصندل  
وحك عيناك أظل ارجاك  
شما رادو ينعونك  
هلك والعاذل يريدون  
وآنه وياك راده نريد

وحجي الناس صودني  
يمدلل گصير الايد  
يدولاب الوكت يه  
يقسمه وصارت عليه  
يگمرة عمري من تهل

يطك ويورد المندل  
وحتك عيناك اظلم ارجاك

شما رادو يمنعونك  
كبر جبي ۰۰ ومله گلبي  
وصرت دنياي كلها انت  
يشمعه ونورت دربي

هواك و كل درب شفته  
ياروحي شكر وشكرد  
مبرنه ولا جزينه الحد  
وحك هيناك  
أفـل ارجاك

شما رادو بنجرونك  
الفاشي

مجله فرهنگ و ادب شماره ۱۸۸

# الغربة

ردت لاهلها الناس

ياشمس الغروب

بخير وفرح وسرور

تلاكه الكلوب

وانه بهظم رديت

لالوذ الي ولايت

واگضي الليالي وحيد

مامش لي محبوب ياشمس الغروب

چنه . . وچنت والليل

تسيورة احباب  
نتلاگه ويه الهيل  
لوفوج وطاب  
ياروحي هسه وحيد  
لاصوت الي ولاويد  
وين آنه ۰۰۰ ياطوفان  
ذبني بجزر هجران  
ياندى ينگط اردود  
ويروي ذاك العود  
يامد يرد ويعود  
وبمده ويه الزود

نتشاورف النوب ياشمس الغروب

مو غيره مني وحسد

لو شفت المحبين

خل بخيله نسعد

بكلوب متصافين

لاجن هظيمه الوكت

ماوفه وياي ونكت

وشيدي لوعايت

والعتب لونسع

والليل عنده عيون

ماطفه ذاك الشمع

بحباية اليحچون

ياروحي قسمه العشك

لاعوذه ييه وحروز

خليه ييه نحترك

من نارهم منجوز

چوياته گطرة مطر

بختلي باجي العمر

والعمر ٠٠ شنهو العمر

لوماتشوفه انعين

ماصخ يروح ويرد

ومنين اجيبه امنين

يَـانـدِى يـنـگـط اردود  
ويـتـروى ذاك العود  
يامد يرد ويعود  
ويمـتـده ويـه الزود  
تـشـاـوـف النوب ياشمس الغروب

~~~~~



## بکيفه الترف

شما عندك حيل اردس حيل  
لا عيله احسبها ولا ميل  
نگز نگز فوك جروحي  
واتوچه اعله مناشغ وروحي  
هنيالي انت مسبب نروحي  
وهنيال امك ييك تچيل  
اشما عندك حيل اردس حيل  
لاتتحتاجه ۰۰ ولاتتراسد  
ولا ترضه لكل العين توادد

مچتل الوادم واحد واحد  
بويه ابهيده اشيك تعيل  
اشما عندك حيل اردس حيل  
شفافك جوري مندي بريجه  
وتغرك ليلو يشع بريجه  
نمرش ياالله وجه اكليچه  
وزافه ينث قداح وهيل  
اشما عندك حيل اردس حيل  
كرخي حليو وصافي النيه  
وزم نهوده شلون ييه  
ارجف لومر مو يديه

ولالفته ولاليه يميل  
مستاهل حيل اردس حيل  
صرت خياله ولا حس ييه  
من بابيه لباب الكليه  
طعروزي وحوي العصريه  
شېرك عن بغداد نشيل  
اشما عندك حيل اردس حيل  
لاعيه احسبها ولا ميل

## فرد عود

يل شاتل العودين خضر فرد عود  
لاينشري وينباع لا منه موجود  
يادنيه اكبري الوكت حمل عشگنه ورود  
سیر عليه الهوى وجفل بگايه الشوك  
وجلمه هلا ومرجه الناشي بس لحيبي نلو ك

ياطعم ذاك الامس  
لاله ويه خيط الشمس  
يادنيه اكبري الوكت حمل عشگنه ورود  
يل شاتل العودين خضر فرد عود

لا ینشری وینباع لا منه موجود  
 اولیله فتح طفل یاروحي عشک الراح  
 دمع التبرزل عسل وعشوگه ما نلاح  
 عطشانه روحي وروت  
 یاعود من خضرت  
 یادنیه اکبری الوکت حمل عشگه ورو  
 یل شاتل النشیرین حضرت فرد عود  
 لا ینشری وینباع لا منه موجود



لحنها الفنان طالب القرغولي وغناها المطرب  
 حسین نعمه



زامل معيد فتاح



## الفهرست

|                  |    |
|------------------|----|
| المگیر           | ۱  |
| یعنی             | ۲  |
| یاخوخ            | ۳  |
| نسینه            | ۴  |
| الیک یاشارع ائهر | ۵  |
| جهود شط البدعه   | ۶  |
| خزامه            | ۷  |
| یاقلعاوی         | ۸  |
| ام چرعد          | ۹  |
| شگول علیک        | ۱۰ |
| هذا آنه          | ۱۱ |



|    |   |            |
|----|---|------------|
| ١٢ | - | سُنو العذر |
| ١٣ | - | شم الورد   |
| ١٤ | - | ديس العنز  |
| ١٥ | - | ذكریات     |
| ١٦ | - | ترنيمه     |
| ١٧ | - | الناصریه   |
| ١٨ | - | لیش        |
| ١٩ | - | ياليل      |
| ٢٠ | - | فداح       |
| ٢١ | - | چذاب       |
| ٢٢ | - | ماظل صبر   |
| ٢٣ | - | الحنين     |
| ٢٤ | - | اللايم     |

٢٥- قصيدة صورة الغلاف

٢٦- رد على ( لآخر )

٢٧- ذاك آله

٢٨- ليك ليل

٢٩- صدك

٣٠- الخناخال

٣١- شكوى

٣٢- الغربية

٣٣- بكيفة الترف

٣٤- فرد عود



طبع في مطبعة الجامعة - بغداد - هاتف ٨٨٥١٣

١ / ٣٠٠٠ في ١٧ / ٥ / ١٩٧١



